

## Morning Dogri (NSD)

19-03-2025

### खबरां

1. अंतरिक्ष च फंसे दे नासा अंतरिक्ष यात्री अज्ज सुरक्षित धरती पुज्जे।
2. ट्रम्प, पुतिन रूस-यूक्रेन युद्ध च अद्दे-दुब्बे तौरा पर युद्ध विराम पर राजी होए।
3. इज्राइल दे प्रधानमंत्री बेजामिन नेतन्याहू होरें हमास खलाफ लड़ाई परतिए शुरू करने दी पुष्टि कीती ऐ।
4. सरकार भारती रेलवे गी आधुनिक, कारेगर ते पर्यावरण दे हिसाबै मती टिकाऊ प्रणाली बनाने आस्ते बचनबद्ध ऐ- आखेआ रेलवे मंत्री होरें।
5. खेलो इंडिया पैरा खेड्डां-2025 दा लोगे शुभंकर ते गान जारी कीता गेआ।

<><><><><><>

### Astronauts-Return

अंतरिक्ष जात्तरी नासा दे सुनीता विलियम्स ते बुच विलमौर होर अज्ज बड्डुलै मूंह न्हरे स्पेस एक्स ड्रैगन दे अंतरिक्ष यान च धरती पुज्जी गए न। उनेंगी आह्मने आहले कैप्सूल नै फ्लोरिडा दे कंडे Talahassee पर स्पलैशडाउन कीता। दवें अंतरिक्ष यात्री जून 2024 थमां अंतरराष्ट्री अंतरिक्ष स्टेशन च हे। एह 2 हफ्तें आस्तै गए हे ते अंतरिक्ष यान थमां हिलियम दे रसाव ते रफ्तार च कमी कारण उनेंगी अंतरिक्ष स्टेशन पर 9 म्हीनें तोड़ी रूकना पेआ। सुनीता विलियम्स नै बुच विलमोर हुंदी जात्तरा अज्ज खत्म होई गेई ऐ।

<><><><><><>

### US-Russia Takls

रूस दे राष्ट्रपति व्लादीमीर पुतिन होर अमरीका दे राष्ट्रपति डोनाल्ड ट्रम्प कन्नै फोन पर लम्बी गल्लबात मगरा यूक्रेन पर अस्थाई तौरा पर हमले बंद करने आस्तै राजी होई गेन। दौनें देशें एहदी पुष्टि कीती ऐ। व्हाईट हाउस नै आखेआ ऐ जे दवें राष्ट्रपति बश्कार फोन पर गल्लबात शुरू होई तां जे रूसी नेता गी 30 दिनें दे युद्ध विराम आस्तै मनाया जाई सकै। दौनें नेताएं दपक्खी मामलें ते पच्छिम एशिया दे हालातें पर बी चर्चा कीती। हालांकि इस समझौते पर यूक्रेन दी रजामंदी बकाया ऐ। दुई बक्खी क्रेमलिल नै आखेआ ऐ जे रूसी

राष्ट्रपति होंरें पूरी चाल्ली युद्ध विराम च दिलचस्पी नेई दस्सी ते गल्लबात दौरान कई महत्वपूर्ण मसले पुट्टे गए।



### Netanyahu-Gaza

इस्त्राइल दे प्रधानमंत्री बेंजामिन नेतन्याहू होंरें हमास खिलाफ लड़ाई परतिऐ शुरू करने दी पुष्टि कीती ऐ। उनदी एह टिप्पणी गजा च बड्डे पैमाने पर हवाई हमलें मगरा आई ऐ, जिसद च चार सौ सोयां मते फिलिस्तीनी मारे गए न। उने इने हवाई हमलें गी महज शुरुआत दस्सदे होई आक्खेआ जे क्षेत्र च लड़ाई पूरी ताकत कन्नै परतिऐ शुरू होई गई ऐ। राष्ट्रीय टेलीविजन पर अपने सनेहे च श्री नेतन्याहू होंरें चेतावनी दिती जे इस्त्राइल जिसलै तगर हमास गी खत्म नेई करी दिन्दा ते आतंकवादी समूह आसेआ बंधक बनाए गेदे अपने नागरिकें गी रिहा नेई कराई लैन्दा उसलै तगर ओहू अगग बददा रहौगा। अमरीका नै इस्त्राइल दे हमलें दा समर्थन कीता ऐ। इसदे थवा पैहले कल श्री नेतन्याहू होंरें आक्खेआ हा जे उने युद्धविराम गी बदाने आस्तै गल्लबात च प्रगति नेई होने करी हमलें दा आदेश दिता। इस्त्राइल दे अधिकारियें आक्खेआ ऐ जे औने आहले दिनें च हमलें च तेजी औने दी मेद ऐ। एह हमले ऐसे समे च होए न जिसलै श्री नेतन्याहू पर घरेलू दबा बदा र दा ऐ, बंधक संकट सोयां निपटने दे उन्दे तरीके ते इस्त्राइल दी आंतरिक सुरक्षा एजेंसी दे प्रमुख गी बर्खास्त करने दे उनदे फैसले गी लेईऐ बड्डे पैमाने पर विरोध प्रदर्शन दी योजना बनाई गई ऐ। हमलें मगरा लम्मे चिरें सोयां चला'रदे उन्दे खिलाफ भ्रष्टाचार दे मुकदमे च उनदी ताजा गवाही भी रद्द करी दिती गई ऐ।



### Taiwan China Maritime

बददी सुरक्षा चिंताएं ते चीन दे हमलावर रौं दे चलदे ताईवान नै साफ कीता ऐ जे उन्नै पता लाया ऐ जे चीनी वायुसेना ते युद्धपोत देश दे अंदर पिछले 24 घंटें अंदर सक्रिय न। वायुयान ते युद्धपोतें तायवान स्ट्रेट दी मेडिसिन लाइन लोआंगी ही ते वायु रक्षा पंछान जोन दाखल होए हे। ताईवान दे रक्षा मंत्रालय दे मताबक चीनी वायुयानें दियां 59 डोआरिएं ते 9 चीनी वायु सेना दे ज्हाजें दा ताईवान च होने दा पता लगगा ऐ। ताईवान सशस्त्र बल स्थिति पर तक्क रक्खा'रदी ऐ।



## PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एहू 120मीं किशत होग। कार्यक्रम च शामिल करने लेई लोक अपने बचार ते सुझाहू 28 तरीक तगर टोल फ्री नंबर 1800-11-7800 पर भेजी सकदे न। एहूदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एहू कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहगा। एहूदे कन्नो कन्नो एहूदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहूदा डोगरी च अनुवाद प्रसारत कीता जाग। एहूदा डोगरी अनुवाद तुस रातीं 8 बजे इक बारी परतियै सुनी सकदे ओ।



## Railways-Ashwani

रेल मंत्री अश्विनी वैष्णव होरें दोहराया ऐ जे सरकार भारती रेलवे गी आधुनिक, कारगर ते पर्यावरण बचाव दे हिसाबै विकसित करने आस्तै बचने बढी दी ऐ। उनें आखेआ जे भारती रेलवे दी आर्थिक स्थिति अच्छी ऐ ते सरकार इसी होर बेहतर बनाने आस्तै कम्म करारदी ऐ। एहू जानकारी वैष्णव होरें लोकसभा च रेलवे मंत्री दे कम्मकाज सरबंधी इक चर्चा दे परते च दितती। उनें दस्सेआ जे 2020 थमां देश च रेल यात्रा आस्तै किराया नेई बदाया गेआ ऐ ते दुए देशें दे मकाबले एहू किफायती ऐ।



## JFK-Assassination DOC

अमरीका दे राष्ट्रपति डॉनल्ड ट्रम्प हुन्दे आस्सेआ ओहदा संभालने दे किश गै दिनें मगरा उन्दे आदेश पर साबका राष्ट्रपति जॉन एफ. कैनेडी हुन्दी हत्या कन्नै संबंधित दस्तावेज जारी कर दिते गेए न। इने दस्तावेजें गी अजें तगर गोपनीय श्रेणी च रखेआ गेदा हा। दस्तावेजें गी अमरीकी राष्ट्रीय अभिलेखागार ते अभिलेख प्रशासन दी वेबसाइट पर जारी कीता गेआ। राष्ट्रीय अभिलेखागार दे 60 लक्ख सोयां मते पन्ने दे अभिलेखें, तस्वीरें, चलचित्रें, ध्वनि रिकॉर्डिंग ते कलाकृतियें दा ज्यादातर संग्रह पैहले सोयां गै सार्वजनिक ऐ। श्री ट्रम्प होरें सोमवार गी संवाददाताएं गी दस्सेआ हा जे उनदा प्रशासन 80 हज़ार

फाइलां जारी करौग, हालांकि एह साफ नेई ऐ जे उन्दे चा किन्ने दस्तावेज़ पैहले सोयां गै सार्वजनिक ना।



### Rajnath-Neitherland Meeting

रक्षा मंत्री राजनाथ सिंह होरें नमीं दिल्ली च नीदरलैंड दे रक्षामंत्री रूबेन ब्रेकेलमैन्स हुंदे कन्नै बैठक कीती। दौनें नेताएं रक्षा, सुरक्षा, सूचना, आदान-प्रदान, हिंद प्रशांत सागर ते नमीं प्रौद्योगिकी पर चर्चा कीती। दौनें नेताएं ज्हाज निर्माण, साजो-समान ते अंतरिक्ष खेत्तर च आपसी सहयोग दी संभावनाएं पर चर्चा कीती। दौनें नेताएं कृतिम बुद्धिमता-ए.आई ते सरबंधित प्रौद्योगिकी दे कन्नोकन्नी दौनें देशें दी रक्षा प्रौद्योगिकी, अनुसंधान संस्थानें ते संगठनें बश्कार तालमेल दी संभावनाएं पर बी चर्चा कीती।



### India-Para Games Launch

खेलो इंडिया पैरा गेम्स-2025 आस्तै कल नमी दिल्ली च गान, शुभंकर ते लोगो लॉन्च कीता गेआ। कल सोयां नमी दिल्लीन च शुरू होआ र दी खेडें दा आयोजन 27 मार्च तक चलौगा। इस मौके पर युवा मामले ते खेड मंत्री डॉ. मनसुख मंडाविया होरें आक्खेआ जे खेलो इंडिया पैहल नै एथलीटें गी इक उल्लेखनीय मंच प्रदान कीता ऐ, जिसदे कन्नै वैश्विक स्तर पर देशै दी प्रतिष्ठा बढौगा। उने पैरा इंडिया गेम्स दे प्रतिभागियें गी अपनियां शुभकामना भी दिंतियां। श्री मांडविया होरें आक्खेआ जे खेलो इंडिया पैरा गेम्स च 1300 सोयां मते एथलीट हिस्सा लैडन। 'फिट इंडिया कार्निवल' दे मौके पर जारी कीते गेदे खेलो इंडिया पैरा गेम्स शुभंकर उज्वला दिल्ली दी गौरैय्या सोयां प्रेरित ऐ, जेड़ी शैहर दे गौरव ते लड़ाई दी भावना दा प्रतीक ऐ।



### Kabaddi World Cup

कबड्डी विश्व कप च मौजूदा चैंपियन भारत गी। स्कॉटलैंड दी टीम नै रोमांचक मुकाबले च 64-64 कन्नै ड्रॉ पर रोक दिता। भारत दा अगला मुकाबला हांग हांग चीन कन्नै होग, जिसलै कि अज्ज स्कॉटलैंड ते इटली आमने-सामने होंडन।



## Poland-Modi

पोलैंड दे उप विदेश मंत्री ब्लातदिस्लाव टिफल बातोंस्विस्कीक होरें आक्खेआ ऐ जे प्रधानमंत्री नरेन्द्र मोदी होरें यूक्रेन संघर्ष दौरान रूस दे राष्ट्रपति पुतिन होरें गी परमाणु हथियार इस्तेरमाल नेई करने आस्तै राजी करने च महत्वोपूर्ण भूमिका निभाई ऐ। उने वैश्विकी शांति दे जतने च भारत दी मध्यस्था दा जिक्र करदे होई मोदी हुन्दी प्रशंसा कीती।

<><><><><><>

## MP-Accident

मध्य प्रदेश दे शिवपुरी जिले च माता टीला बांध पर कल सजां श्रद्धालुएं कन्नै भरोची दी इक किशती पलटी गई। किशती पर 15 लोग सोआर हे जिन्दे चा 8 गी बची लैता गेआ ऐ। पर 7 अजें बी लापता ना। राज्य आपदा प्रतिक्रिया बल-एसडीआरएफ दी मदद कन्नै तलाशी अभियान जारी ऐ। श्रद्धालु टापू पर स्थित मंदिर च दर्शन करने आस्तै गेदे हे। सूचना थोने पर जिलाधिकारी ते पुलिस अधीक्षक सनें जिला प्रशासन दे होर देए अधिकारी मौके पर पुज्जी गए। मुख्यमंत्री डॉ. मोहन यादव होरें इस हादसे पर दुख जताया ऐ।

<><><><><><>